



- » Nisapui Harhna kum zana lawm a ni
- » DNEP 2019 chungchâng sawi ho a ni
- » KÏP Branch-te intihsiaakna

SYNOD *Newsletter*

Volume XXXIV

No. 8

E-mail: synodnews@gmail.com

AUGUST, 2019

LÂWRKHAWM

SYNOD MISSION BOARD RAWNGBÂWLNA CHANCHIN TLÂNGPUI 2019

HIV/AIDS INZIRTÎRNA

Kristian Thalai Pâwl, Central Committee chuan August 15, 2019 (Ningani) khân Mission Vêng Kohhran Hall, Aizâwlah HIV/AIDS natna chungchâng mipuite zirtîr chhâwng tûr ko khâwmin zirtîrna kalpui dân tûrte zir ho a ni. Aizâwl khawpui chhûng Branch tin aiawh pakhat leh Aizâwl khawpui pâwn Bial aiawh pakhat theuh kal tûra koh an nih angin an kal tha hle. He zir hona hi KÏP Rorêl Inkhâwm wavi riatnain HIV/AIDS do nâna hma lâk zêl a rêl bawh zuina a ni. Dr. Ruth Lalmanpuii leh Dr. R.L Sânghluna ten thu an sawi a, he ta kalte hi an Branch leh Bial chhûng theuhvah mi dang zirtîr leh tûra beisei an ni.

DELHI KOHHRAN BIAK IN THAR

Delhi Mizo Presbyterian Kohhran chu August ni 4, 2019 (Pathianni) atang khân Biak In lian zâwk, Centenary Methodist Church, Lodhi Road-ah an inkhâwm ta a, inkhâwm an t hahneh thei hle. Biak In thar luaha inkhâwm hmasak ber tum hian ruah sùr nasa tak kârah mi 473 lai an inkhâwm thei a; thla khat chhûnga an Pathian Ram Thawhlâwm leh Biak In Project-a thawhlâwm tling khâwm pawh ₹ 1,48,000 a tling! Mizoram nu leh paten Presbyterian Kohhrana lawi tûra an fate an zirtîrna chuan awmia a nei tial tial a, hma an sâwn chak hle.

TWR HRUAITU ZÎNGAH MIZORAM SYNOD MI

Trans World Radio India Board, August thla tîra Delhi-a thu chuan Dr. Robert S. Halliday, Synod Information (Synfo) Co-ordinator chu Vice Chairman atân an thlang thar. Trans World Radio hi Radio leh Media chi hrang hrang hmanga Chanchin Tha puang pâwl an ni a, ram 190-ah tawng chi hrang 230-in Chanchin Tha puang darh hna an thawk mêk a ni.

ZIRLAITE HMA LAM HUN THLÎRPUINA

Aug. 8 - 11, 2019 chhûng khân Pune Mizo Presbyterian Kohhranin an sâwm angin zirlaite hma lam hun thlîrpuina (Career Counselling) hmanpuiin Tv. Lalhmunzauva Tlau, Counsellor leh Dr. Laldinliana Vârte, Mission Vêng te an kal a, a kalten tângkai dâwn hlein an hria.

OPERATION NEHEMIA

Aug. 2 - 4, 2019 chhûng khân beihpui 'Operation Nehemia' kalpui leh a ni a, group 10-ah inthenin Aizâwl khaw chhûng leh dai vèl an tuam leh a, mi 470 hnênah rawngbâwlina hun an hmang a ni.

Mizoram Presbyterian Kohhranin Ramthar Ni (August ni 31) a hman hun leh Beihrial hapta hmasa, Ramthar Hapta hman hun a lo hnaih hian kumin chhûnga Synod Mission Board (SMB) rawngbâwlina chanchin tlângpui hi Kohhran miten kan hriat tlan a tha âwm e. SMB rawngbâwlina hian ringthar siam bâkah ringtharte enkawl leh Chanchin Tha hril zêl tûra buatsaih a keng tel a. An rawngbâwlina pawh hi 'direct' leh 'indirect' tia sawi thîn a ni:

1. Direct Evangelism

Hei hi 'Mi mal nun luh chilha Chanchin Tha hril' hi a ni a. Camping, campaign, crusade, Bible tract sem, in tlawh, hmun bik siama intawh khâwm (rally) leh naupang zînga rawngbâwnate hi tih thîn dân ber a ni. Evangelist leh Gospel Team-te chu ni tin feh chhuakin thawktu dangte pawh a huhovin hun bik ruatah Chanchin Tha hrilin an chhuak a, ringtu chau deuhte an tlawh chhuak bawh thîn.

2. Indirect Evangelism

Hei hi Evangelist Teacher te, Nurse te leh Craft Teacher te rawngbâwlina a ni deuh ber. Tihdam rawngbâwlina lam te, zirna (sikul, training centre) te, zirna dang te kalpui a ni. Medical Centre 125 awmin nurse leh health worker-ten an enkawl a, missionary doctor pathum hmun hrang hrangah an thawk bawh. SMB hnuaiah hian tûnah zirna sikul 61 kalpui a ni a, thawktuten sikul chawlh apiangin Chanchin Tha hrila vah chhuah hun an siam thîn. Training Centre 23 a awm bawh a, puan thui, etc zirna an tan hmain thawktuten Pathian hnêna inkawltîrna (devotion) an hmanpui ziah thîn. Zirna pangngaia zir remchâng thei lote pualin Bible Râlchhân te siam a ni a, ringtharte leh ringlo mi eng emaw zâtin an chhâng thîn.

SMB hnuaiah hian missionary engineer pakhat Silchar-ah awmin ani hian Mission Field hrang hrangah in sak tûrte ruahmanna a siampui t hîn. Hun eng emaw chhûng atân mi thiam bik te, pensioner te, sawrkâr hna thawk lai te pawh short term missionary-a rawih thîn an ni bawh. Short term missionary thawk mêkte hi mistiri leh helper an ni deuh ber. Indirect evangelism hi direct evangelism nêna a kal kawp tlat avângin a mala lâk hleih theih a ni lo.

3. Mizoram chhûnga zirna (Institution)

Indona hmuna chhuah hmain sipaiten indo zirna hmunah râlthuum chi hrang hrang hman leh taksa leh rilru lama inbuatsaihna lam thilte an zir angin missionary tûra inpete leh thawk mêkte training-na hmun hêngahte hian a awm:

(1) Missionary Training College (MTC), Mission Vêngthlang: Bachelor of Missiology (B. Miss.), Senate of Serampore College hnuaia zirna a awm a, mi 97-in an zir chhuak tawh. Missionary senior zâwkte tân thla khat chhûng Refresher course (kum tin wavi khat) neih thîn a ni a, mi 352-in zir chhuak tawhin, Missionary Pastor leh

Field Secretary ruat tharte tân (kum tin kâr hnih chhûng) Mission Orientation neih thîn a ni bawh a, mi 166-in training an zo tawh. Missionary thawk lai tâna Short Course Training (thla thum chhûng) buatsaih chu mi 282-in zo tawh bawh.

(2) Mission Development Training Centre (MDTC), Bualpui: Hetah hian missionary leh a ram miten Agriculture/Horticulture, Carpentry, Poultry (Vety) te an zir thîn. Agriculture/Horticulture (mi 49; Carpentry, mi 103 leh Vety, mi 95 ten an zir chhuak tawh. Tûnah hian zirlai 13 an awm mêk.

(3) Presbyterian Hindi Bible School (PHBS), Bawngkawn: Hei hi Hindi-a Pathian thu zirna hmun a ni a. Zirtu tam ber hi hnam dang niin Field atangin zir tûr an intîr thîn. Mi 1632-in an zir chhuak tawh a, tûnah hian Batch 64-naah zirlai 30 awm mêk. He hmuna zir chhuakte hi anmahni ram lama an kîr leh hnuaah rawngbâwltu tângkai tak an ni thîn.

4. Tent Making Ministry

Synod Mission Board-in rawngbâwlina kawng a zauhna pawimawh tak chu Tent-Making Ministry hi a ni. Synod-in hlawh eng mah tumsak hran lovin, Mizoram chhûng leh pâwn hmun hrang hranga ringlo zînga hna thawkten mahni insêngsovin, an awmna hmuna SMB hriatpua Chanchin Tha hril hna an thawhna tûra ruahmanna a ni a. Tûnah hian Tent-Maker Missionary 19 an awm.

5. Mission Pâwl/Kohhran dang nêna thawh hona

Tûnah hian Mission/pâwl hrang hrang nêna thawh honaah thawktu 16 an bung mêk. SMB thawhpui pâwlte nêna hian sum leh pai leh thawktu mamawh inphuhru tawmin rawng bawl ho a ni ber. Partnership neihpui, SMB-in thawktu a pête chu- World Vision, Church Missionary Society (CMS), Emanuel Hospital Association (EHA), Serving in Mission North East India (SIMNEI), Seva Bharat, Shanti Niketan (Subathu, Himachal Pradesh) leh Dar-UI-Fazal (Manali, Himachal Pradesh) te an ni.

Hêng bâkah hian thawh hona thuthlung (partnership agreement) neia suma a tanpui, pâwl paruk an awm a, sum leh thawktu pèk loh, rawngbâwlina inhriatpui tawn hi pâwl pali awmin Mizoram chhûnga para church, Synod-in an rawngbâwlina a hriatpui (recognition a pèk) pâwl 12 an awm bawh.

(phêk 2-naah chhunzawm a ni)

SYNOD Newsletter

EDITORIAL STAFF

Rev. Dr. C. Chawngmingliana
Rev. B. Sângthanga
Upa H. Ronghâka
Upa C. Thanga

Editorial

DUHÂMNA

Duh tâwk awm miah lova, neih belh zêl duhna hi Duhâmna chu a ni ber mai. Duhâmna leh awhna hi inkâwm ngeih tak, lâk hran theih loh inkawp rial an ni a. Duhâmna chuan rual min eltîr a, chu chu a thâtna awm chhun a ni deuh mai âwm e. Kan Bible-ah pawh hian 'duhâmna' hi fakna lam hmuh tûr a vâng hle, a thâ lo lam zêlin kan hmu. Duhâmna chuan no a pai a, hlemhlêtna a hring thîn. Mi duhâm chuan inbeihna a chawk chhuak thîn a, mite huat leh beih a tâwk thîn. Kan Bible-in, "Mi sual chu tu ma zah a kai lo vang a, mi duhâm chuan ngaihsân a hlawh hek lo vang" a tih ang khân, mi duhâm chuan mahni hma a sial a, mi dang hamthâtna dawn ve tûr pawh lâksak zêl a duh vângin zah a kai thei lo va, ngaihsân leh lawm a hlawh ngai bawk hek lo.

Thlasik a liam a, nipui a lo thaw a, fûrin min nang zui a. Fûr khua a lo chên chuan khawi lai lai-ah emaw lei minin kawngpui a hnawh a. Chutiang kârah chuan mi duhâmte zia a lo lang chhuak thîn. Kawngpui a pin apianga 'Bungraw chhep relh' 'thil man a sâng' tih thâwm thangva awm thîn hi a dik em? A dik a nih ngai chuan kan Lalpa duh zâwng a va ni dâwn lo êm! Ei rûkna leh hlemhlêtna chi hrang hrangte hi duhâmna a nawr chhuah an ni. Mi duhâm chuan a thil neihah duh tâwk leh lungawina a nei lo va, a aia tam zâwk neih belh zêl a duh a. Chu a duhna tihpuitlin nân chuan eng hmanrua pawh hman ngai sela, a hmang hreh tawh lo. Chu chuan chhiatna a thlen thîn. Greek mi fîng Socrates-a'n, "Mi, a thil neih mêka lungawina hmu lo chuan a duh tak pawh nei sela a lungawi chuang lo vang," a tih hi a dik khawp mai. Duhâmna chu milem biakna tih a ni si a.

PCI HIGH POWER COMMITTEE

Presbyterian Church of India Committee sâng, Executive Committee chuan Meitei Presbyterian Singlup (MPS) Synod harsatna tawh en fiah a an awm zêl dân tûr rawtnate ngaihtuah tûrin High Power Committee a din a, member pasarih an awm.

(phêk 1-naa mi chhuzawmna)

6. SMB rawngbâwlna hmun hrang hrang chanchin tlângpui

SMB hian Mission Field puitling 17 leh Masihi Sangati leh Cambodia mission a enkawl mêk a, hetiang hian:-

(1) **Home Mission (North & South):** Pâng, Bâwm, Chakma leh Bru te zînga rawngbâwlna a ni a. HM North-ah hian kumin January-July chhûngin ringthar 48 an awm a; HM South-ah ringthar 42 an awm bawk.

(2) **Barak Area:** Barak Area hi Bengali leh Meitei zînga rawngbâwlna a ni ber a. Tûn hnaiah boruak a danglam chho deuh va, fîmkhur a ngai hle. January-July chhûngin ringthar 111 an awm.

(3) **Tripura Mission Field:** Tripura tlâng mi (Tribal) zînga rawngbâwlna a ni deuh ber thung a. Ringthar leh Kohhran pawh a pung chak hle. Chanchin Thâ hril tûra sâwmtu zawng zawngte tlawh kim a har zâwk hial. January-July chhûngin ringthar 940 an awm.

(4) **Delhi Mission Field:** North Indian-ho, India ram neitua inngai, Hindu kulmûk, sakhuaa nghet êm êmte zînga rawngbâwlna a ni a. Pathian hnathawh avângin inkhâwmna tûr an nei ve ta a, an lâwm hle. January-July chhûngin ringthar 68 an awm.

(5) **Calcutta Mission Field:** Kolkata khawpui chhûng leh a chhehvêl District 10-ah rawngbâwlna kalpui a ni a, Bengali tawng hmangte zînga rawngbâwlna a ni ber. Tûnah hian Pastor Bial 7; Fellowship 83 leh Sub Centre 32 an nei. Mahni puala Biak In nei (mi in luah ni lo) hi Fellowship 17 an awm a. Kohhran member 5,463 an ni. January-July chhûngin ringthar 862 an awm.

(6) **Siliguri Mission Field:** Tawng hrang hrang - Hindi, Bengali, Nepali, Sadri, Rajbongsi, Djongkha tawng hmangte zînga rawngbâwlna a ni a; Hindu, Buddhist, Muslim leh Nepali Tribal religion etc, te an ni hlawm. Pastor bial ruk lai an lo ni ve ta. Hmun 23-ah kan Biak In a ding tawh. Bhutan ram lamah nasa zâwka thawk tûrin tan lâk mêk a ni. Kohhrante an thangin hma an sâwn zêl. January-July chhûngin ringthar 104 an awm.

(7) **Karbi Anglong Mission Field:** Karbi hnam, inthawi uar tak zînga rawngbâwlna a ni a, zalên takin Pathian thu sawi theih. Ringtharte hian anmahni hnampuite an vei êm êm a. January-July chhûngin ringthar 115 an awm.

(8) **Arunachal & Assam Mission Field East:** Changlang District (Arunachal) leh Tinsukia District (Assam)-a rawngbâwlna a ni ber a, kum 2018 ațangin Lohit District, Anjaw District, Namsai District leh Lower Dibang Valley District-ah te hma lâk thar a ni. Sakhaw thar 'Rangfrah' an tih chuan rawngbâwlna a tițhuanawp deuh mah se kohhran ding tawh sate chu an puitling thawkhat hle. January-July chhûngin ringthar 128 an awm.

(9) **Lucknow Mission Field:** Lucknow khawpui chheh vêl thingtlâng rawngbâwlna a ni. Fellowship 90 chuang an awm tawh. UP-ah BJP-in sawrkârna an siam hnuin Hindu firfiak pawl, RSS, Bajrang Dal, etc. an huangtau sâwt hle. January-July chhûngin ringthar 109 an awm.

(10) **Patna Mission Field:** Hindi hmangte zînga rawngbâwlna a ni a. Hindu sakhaw âtchilh tak takte tamna hmun a ni. Pastor Bial panga awm tawhin member 1,648 an awm a. Fellowship 38 dingin Biak In pali lai an nei ve ta bawk. January-July chhûngin ringthar 68 an awm.

(11) **Siliguri B (Nepal) Mission Field:** Nepal Mission Field-ah hian Presbytery pahnih (Nepal East leh Nepal West), Pastor Bial pariat, Kohhran 22 leh Preaching Station 40 lai an awm ta a. Kohhran member zawng zawng 3,369 an ni. January-July chhûngin ringthar 93 an awm.

(12) **Arunachal & Assam Mission Field West:** Adi hnam leh Galo hnam zînga rawngbâwlna ni ber a. Hindi hi an tawng tuallêng a nih avângin thawkute pawhin rawngbâwlna atân an hmang. Tûnah hian Kristian an thahnem ber tawh a, zaa 30.26 lai an tling ta! Hindu-in dawtin, 29.04% an ni. January-July chhûngin ringthar 79 an awm.

(13) **Assam Mission Field:** He Field-ah hian a tîrah hnam hnuaihngung zîngah rawngbâwlovîn, mi vantlâng zîngah rum thlâk hmasak a ni a. Ringtharten mi dang an vei nasa a, hêngte hian kohhran hmahlir a tiêng hle. January-July chhûngin ringthar 68 an awm.

(14) **Jharkhand Mission Field:** He state-a hnam hlâwm lian ber (Santal) zînga rawngbâwlna a ni ber a; distict 24-ah district 6-ah chauh rawngbâwlna kalpui a la ni. Fellowship 105 an tling ve ta. January-July chhûngin ringthar 250 an awm.

(15) **Arunachal & Assam Mission Field North:** District pali - Siang, East Siang, West Siang leh Upper Subansari Dist bâkah Assam-ah Demaji Dist te a huam a. Field Hqrs. hi West Siang Dist Capital, Aalo-ah awmin, Field Office atân Bogdo, Tinali-ah mi in luah a ni. Pastor Bial paruk awmin, kohhran 40 leh Fellowship 62-ah member 4,517, Dân zawh kim 3,186 an awm tawh. Kohhran eng emaw zâtin anmahni thawh chhuah liau liauvin Biak In an sa tawh a ni. January-July chhûngin ringthar 99 an awm.

(16) **Odisha Mission Field:** Odisha-a tribal hnam lian tak pakhat, Kui hnam zîngah rawngbâwlna hi kalpui a ni ber. Ringtu awm tawh sa enkawl chu an hna pui ber a ni rih. Tûnah hian khaw hrang hrang 10 vêlah rawngbâwlna bul tan a ni a. January-July chhûngin ringthar 142 an awm.

7. Masihi Sangati rawngbawlna

Mizoram chhûnga hnam dangte zînga rawngbâwlna (Masihi Sangati) hnuaih hian Minister 9, Pro Pastor 1, Evangelist 192; a vaiin mi 202 an bung mêk. Fellowship 200 leh member 5980 awm ang chhinchhiah a ni. Area 21 niin, Pastor Bial pasariha then a ni a. Evangelist-te hi Bial (Pastor Bial pangngai) leh Kohhran malah dah an ni a. Fellowship/Bial/Area te kaihraina hnuaih an thawk ber. Team pali - Synod Gospel Team pahnih, Gorkha Gospel Team leh Vai changkang Team te awmin rawngbâwlna kawngah hma lâkna hrang hret neiin an thawk a ni. January-July chhûngin ringthar 1970 an awm.

8. Cambodia rama rawngbawlna

Cambodia ramah kum 2010 ațangin SMB-in thawktu a dah tan a, tûnah thawktu pathum an bung mêk. Thingtlâng ațanga College kal tûra khawpui rawn pante tân chênna tûr In (Dormitory) an lo buatsaih a. Chanchin Thâ hrilhna remchâng tak a ni. SMB Dormitory behchhanin House Church din a ni a. Pathianni tlaiah an inkhâwm thîn. Zirlaite mai ni lovin t henawm hnaite pawhin inkhâwm an rawn zawm ve tan a, member pawh pun zêl a beiseiawm hle. Mizo Kohhrante anga mahni kea ding ve tûrin hma an la tan a, Buhfaițhâm rawngbâwlna kalpui ve tan pawh an awm ta mêk a, a lâwmawm hle.

Râl Vêngtu

Nu ðenkhath hi Râl Vêngtu hnênah an lo kal a. Tûnlai ðhalaiho nun lo danglam ta lutuk an hriat thiam theih loh thu an rawn sawi bawrh bawrh a. "Kan nulât ve lai kha chuan zingah hma tak takin kan tho va, tui kan chawi a, buh kan deng a. In chhûng sekrek zawng zawng kan khawih a, ram hna thawh kan bâng chuang lo... Kan hun lai nên khân a inang tawh lo lutuk. Eng tin nge kan tih ang?" tiin Râl Vêngtu an rawn râwn a.

Râl Vêngtu chuan, "Hun a danglam rorêlna ni ropui... tih ang deuh kha a ni ta a nih hi. In hun lai ang veka thil in teh chuan in teh sual fo vang. Nangni nulât lai hun kha a liam tawh. In hun lai leh tûn han khaikhin hian engkim a danglam ta. Thil a inthlâk danglam deuh vek tawh a nih hi. Hriat thiamna tarmita in thlîr loh chuan in fate dinhmun hi in hmu thiam ngai lo vang."

"A chhe lam ringawt thlîr lo ula, a ða lam hi thlîrsak ve tûr alâwm! In hun laiin thawmhaw ðet hâk in zak a, in fate hi chuan kekawr khûp ðet hâk an zah loh hi! 'An mut reina chhan pawh an mut har vâng a ni a, ðhalaiho chuan zing hnatlâng te hi zân lamah an sawn daih mai alâwm! In chhûng khurah pawh zing lama ti tûra in beisei kha chu zân lamah tih tîr vek mai ula, i-he lovin an ti mai ang chu, a fel a ni mai lo'm ni? Pathian Thu-a an lo hlim ve lai pawhin ðhalaiho chuan zing ðawngtai inkhâwm hi zân lamah an sawn a, zân lamah an ðawngtai ho leh mai a. ðawngtai ðeuh ðeuh, zing a ni emaw, zân a ni emaw eng nge a danglamna? Hriat thiamna tarmitin thlîr ula, an ze milin enkawl ula in harsatna tam tak hi sut kian a ni ngei ang ang," a ti ta hlauh mai a. Nuho pawh chu rilru tharin hlim takin an haw leh ta dam dam a.

PCI DÂN PUI EN NAWN

Presbyterian Church of India (PCI) chuan Dân Pui hman mêk chu a pum puiin a en nawn mêk a. Comprehensive Review khawih tuten an bei ngawrh hle. Hêngte leh PCI hma lâkna thil pawimawhte ngaihtuah tûr hian September ni 25 leh 26 khian PCI Special Executive Committee ðhut tûra tih a ni a. Mizoram Synod-in he Special Executive Committee hi a thleng ang.

SYNOD HOSPITAL, DURTLÂNG JUNE, 2019 CHHÛNGA THILPÊK DAWNTE

I. CHARITY FUND		
1. Pu Lalramena Râlte, Durtlâng Dâwrkâwn	₹	500/-
2. Vaivakâwn Pastor Bial Kohhran Hmeichhia	₹	20,000/-
3. Thingsulthiah Pastor Bial Kohhran Hmeichhia-Diamond Jubilee pual	₹	10,000/-
4. Lungdai Pastor Bial Kohhran Hmeichhia	₹	5,000/-
5. Tuirini Presbytery KTP Meet	₹	11,000/-
6. Pu Zonundanga, Zârkawt	₹	3,500/-
7. Zodiniana, Mission Vêng	₹	2,000/-
8. Dr. Lalmsâwma, Kulikâwn	₹	2,500/-
9. Chawnpui Vêngthlang Kohhran Hmeichhia	₹	5,000/-
10. Roðhuama, Hlimen	₹	1,000/-
11. Zotlâng Kohhran Pavalai Pâwl	₹	5,000/-
12. Peniel Kohhran Hmeichhia, New Sêrchhip	₹	5,000/-
13. K. Lalêngkima, N. Vanlaiphai	₹	500/-
14. Pu Lalsânglûra, Durtlâng Mêl - 5	₹	1,000/-
15. East Lungdâr Pastor Bial	₹	20,000/-
16. KTP, Kawrthah Pastor Bial	₹	5,000/-
II. GRACE HOME TÂNA PETE		
1. KTP, Khatla South Branch	Cake 5 nos, Frooti case 1 leh	₹10,000/-
2. Govt Complex Kohhran Hmeichhia		₹10,000/-
3. Chawngtlai Pastor Bial Kohhran Hmeichhia		₹2,000/-
III. THISEN PETUTE		UNIT ZÂT
1. KTP, Bûngkâwn Vêngthar Branch		32
2. KTP, Mission Vêng Branch		54
3. KTP, Bâwngkâwn Branch		32
4. YMA, Armed Vêng Branch		56
5. KTP, Lengpui Pastor Bial		43
6. YMA, Armed Veng Branch		47
IV. THIL DANG PETUTE		
1. Chawnpui Kohhran Hmeichhia	Mobile Clinic-a Pap Smear tih nan Rs. 4,000/-	
2. Siphir Vêngthar Pastor Bial Kohhran Pavalai Pâwl	Thuthlengsei ngenchhan nei 3 leh Cushion	
3. Vênghlui Kohhran Pavalai Pâwl	Compound Samfai hnatlâng mi 27 an thawk	
4. Pi Lalpârmawii (L) fate, Vênghlui	An nu hriatreg nan Palliative Care tan ₹ 5,000	
5. Durtlâng 'N' Kohhran Hmeichhia	Dam lo ei tur Buhfai thlei sak	
6. Pu Liansângpua, Mission Vêng	Hospital Website tihchangtunna sênsa a tum	
7. YMA, Khatla Branch	YMA Day pualin mitthi khuhna puan 20 an pe	
8. YMA, Mission Vêng Branch	YMA Day pualin mitthi khuh na puan 8 an pe.	
9. Pi Hruaii Group, Durtlâng Kohhran Hmeichhia	Damlote ei tur buhfai min thlei sak	
10. Corneal Care Pharmaceutical JMS Drug Distributor, Silchar	Eye Camp sênsa atân ₹10,000/-	
11. Zotlâng Kohhran Pavalai Pâwl	Compound samfai hnatlâng mi 14-in an thawk	
12. Piler Kohhran Hmeichhia	Hmunphiah 21	
13. Mr. Rajesh Kanna, EE, National Project Construction Corporation, Veterinary College, Selesih	₹2,000/-	
IV. PAWISA DAWN ZAWNG ZAWNG		
i)	₹97,000/-	
ii)	₹22,000/-	
iv)	₹21,000/-	
Total	₹1,40,000/-	

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min puhruksak baw a ni.

Sd/-
(REV. R. RAMDINMAWIA)
Chaplain,
Synod Hospital, Durtlâng.

NISAPUI HARHNA CENTENARY ROPUI TAKA LAWMA A NI (Zoram harhna ðum thumna, 1919)

Nisapui Presbyterian Kohhran chuan an kohhrana harhna thlen kum 100-na (Centenary, 1919–2019) chu July 26–28 chhûng khân an lâwm a, a lawma pui ber, July 26, 2019-a hman chu Synod Moderator Rev. R. Lalmingthangan hmanpuiin thuchah a sawi a, Mizoram Synod Choir te thiam takin an zai baw. Centenary Ruai Pui atân sial pahnih leh vaw paruk bâkrah ar leh sangha ðhahnem tham tak siam a ni a. Kohhran hlim vânglai a ni baw a, inkhâwm zawng zawng an lam mup mup a ni ber. Lungphun (monument) pathum siam a ni a. Harhna Centenary lung chu khaw hlui tlangah leh tûna an inkhâwmna Biak In bulah phunin, Nisapui khuua piang, Mizoram Presbyterian Kohhran mi pawimawh leh ðangkai, Rev. Liangkhaia lung pawh Biak In kawtah phun a ni baw.

Mizoram Kohhran Chanchin ziaktuten 'Harhna ðum thumna' tia an sawi ðhin ram pum tuam chhuak harhna ropui tak chu kum 1919 khân Nisapui, Zotlâng (Lunglei) leh Thingsaiahte a rual deuhthawin a thleng a. Nisapui chuan July ni 26, 1919, Inrinni zâna Upa Habunga (Kaivungi pa) ina nula pathum – Kaivungi, Buti leh Ziki te zai leh ðawngtai chu pâwn lama mite chuan mi tam tak mawî êm êm maia zai angin an hria a, anmahni pawhin ditip kâr aţanga zaipuitu awm angin an hria a, an zai tlaivâr ta ðhak mai a. A tûk, July 27 Pathianni chawhma inkhâwm boruak a nung ða ta hle a, inkhâwm bânah kohhranin zaikhâwm an rawt a, an hlim ta êm êm mai a. Zân inkhâwmah inkhâwm ðantu chuan a hma zân aţanga an hla tui pui ber 'Thihna lo thleng tûr kan ngah chu' tih hla a thlang a, a châng lina an sak aţangin Thlarau Thianghlim hnathawh nasa lehzualin a thleng ta phut mai a. Pathianni zân aţang chuan Nilaini zân thlengin zan tin inkhâwm an zaikhâwm tlaivâr ta zêl a, harhna ropui tak thleng zuiin

khaw ðenawm leh hmupui lam thlengin a kâng kai a. He harhna thupui ken ber chu 'Kraws thu' a ni.

He harhna hian kum li vêl a awa a, chumi chhûng chuan Kristiana inpe thar 19,197 awmin a hmaa lo awm sa 12,495 aiin an tam daih zâwk niin Rev. Saiaithangan a ziak. He harhna aţang hian Pathian biak inkhâwmah khuang hman ðan a ni a, Kohhran dang tlawha a ruala zin 'Zin rual/Fang rual' a hring baw a, chûngte chuan ðhahnemngai takin Chanchin ðha an hrii ðhin. Mizo Lêngkhâwm Zai thlûk a piang a, hemi thlûka sak chi hla a piang ðan bawka sawi a ni. 'Thlarau thilpêk' tih te, 'Thlarau rui' tih te, 'Hlim sâng' tih te leh 'Khurbîng' tih ðawngkam te a piang a. Kohhran zirtîrna aţanga pêng, 'Tlira zirtîrna' chhuah ðanna nia sawi a ni baw. A rah ða leh ða vak lo lam sawi tûr awm mah se, hri pui (Influenza) lêng avânga lungngai manganga awm Mizo mipuite leh Mizorama kohhran tân a hlu hle niin chanchin ziaktuten an ziak hlawm.

**ELECTRIC VÊNG KOHHRAN, KHAZWÂWL**

chuan May ni 4, 2019 - June ni 2, 2019 chhông khân Synod Revival Speaker Pu C. Lallianthanga (Agape Gospel Team) ruaiin Chhandamna Camping chhâwng thum an buatsaih a. Kohhranhoten Thlarau Thianghlina harhna an chang a, an hlâwkui hle. Kohhran an hlim hle a, mi eng emaw zâtin taksa damna an chang a, ruihtheih thila buai thîn eng emaw zâtin chhanchhuahna changin Lal Isua hnên an pan baw a ni.

BANGLA VÊNG KOHHRAN, N. VANLAIPHAI chuan July ni 20, 2019 - August ni 7, 2019 chhông khân 'Lalpa Kohchhuah Team' Speaker Upa Zârzoliana ruaiin Camping chhâwng hnih leh Crusade-in hun an hmang a. Campers 111 an awm a, hlim takin an chhuak thei vek a ni. August ni 3, 2019 (Inrinni)-ah khân Kohhran ruai nê Pathian chawimawina hun an hmang baw. Kohhran bêl ngai tawh lo leh hnungtawh tawh eng emaw zâtin Biak In anrawn lawi lût leh ta a. Kohhranote an hlimin, an lâwm hle.

**SYNOD PUIPATE PRESBYTERY
HMANNA TÛR**

Kum tina tih thîn angin Synod Officers' Meeting (OM) chuan Synod Puipaten kumin 2019-a Presbytery Inkhâwmpui an hmanpui dân tûr hetiang hian a siam:

SI. Puipate hming	Kalna tûr
1. Rev. R. Lalhmingthanga	Tuivai <i>Moderator</i>
2. Rev. R. Vânlalngâka,	Tawi <i>Secretary (Sr)</i>
3. Rev. Vânlalrova Khiangte,	Chhimchhak <i>Secretary (Jr)</i>
4. Rev. B. Sângthanga,	Ramlai <i>Finance Officer</i>
5. Rev. Lalramliana Pachuau	Champhai North <i>Finance Officer</i>
6. Upa C. Lalbiakthanga	Chhimphei <i>Statistician</i>
7. Rev. Lianhmingthanga Sailo	Lunglei West <i>Sr. Executive Secretary</i>
8. Rev. K. Lalrinmawia	Tuichâng <i>Executive Secretary</i>

**MIZORAM CHRISTIAN COUNCIL
CHUNGCHÂNGA INRÂWN KHÂWMNA**

India Hmârchhaka Kristiante Inzawm Khâwm (North East India Christian Council) chuan Inkhâwmpuia an thu rêl bawh zuiin, Mizoram Christian Council chungchânga inrâwn khâwmna chu August 8, 2019 khân Booth Mansion Hall, Aizâwlah an buatsaih. He inrâwn khâwmnaah hian Mizoram chhônga kohhran hrang hrangte chu mi pahnih theuh tîr tûra ngen an ni a. Hma lâk dân tûr thil chi hrang hrang sawi hote chu NEICC Inkhâwmpuia ngaihtuah leh tûr a ni ang. He inrâwn khâwmnaah hian Mizoram Synod aiawhin Rev. Vânlalrova Khiangte, Synod Secretary (Jr) a kal a ni.

**KÏP BRANCH-TE INTIHSIAKNA
(INTER BRANCH KÏP QUIZ)**

Central KÏP-in 'Kristian Thalai' chanchinbu kum 50 tlin lawm nâna zawhna inchnân dik siak (Inter Branch KÏP Quiz) a buatsaihah a thlit fimnaa tlingte chu July 26, 2019 zân dâr 8:00 khân Synfo Studio, Synod Office-ah puan a ni. District hrang hrangah Branch 133-ten thlit fimna (Elimination round) exam an bei a, mark hmu sâng Branch 20-te chu semi final intihsiak hmachhawn tûrin an tling. Semi final lût tûra tlingte chu (an hming bul hawrap indawt dân zêlin) hêng Branch-te hi an ni: Bethlehem Vênglai, Champhai Bethel, Chanmari West Hmâr Vêng, Chawlhmun, Chhiahtlang Hmâr Vêng, Keitum Kâwn, Khatla North, Khuanglêng, Mêlthum, Mission Vêng, Mualpui Bethel, Ramhlun East, Ramhlun Vêngchung, Ramthar North, Republic Vêng, Sihphîr Vêngthar, Thingdaw Vênglai, Tlângnuam South, Vaivakâwn leh Zemabâwk.

Thlit fimnaa tlingte puan zân hian Kristian Thalai chanchinbu Golden Jubilee chinchhiaha milem (logo) siam thiam bera thlan Lalhanmawia, College Vêng, Aizâwl hnênah lâwmman ₹ 2,000 hlan a ni a, chinchhiaha insiam siakah hian mi 27-in an thil ziah an theh lût a, an siam zawng zawng hi 37 a ni thung.

Inter Branch KÏP Quiz semi final hi Aug. 22 zân khian Dâwrpui Kohhran Centenary Hall-ah intihsiak a ni ang. Bible aţangin Luka, 1&2 Timothea leh Ephesi te intihsiak nân hman a ni ang a, hei bâkah hian KÏP chanchin, Mizoram Presbyterian Kohhran chanchin leh Kristian Thalai chanchinbu aţang tein intihsiak tûr a ni. Quiz-ah hian pakhatnain ₹ 1,00,000, pahnhnain ₹ 40,000, pathumnain ₹ 20,000 bâkah a bika siam lâwmman leh thu ziak an dawng ang. Palina leh panganaten ₹ 5,000 leh thu ziak leh, Semi finalist-ten ₹ 2,000 leh thu ziak an dawng baw ang. Semi final leh final-te hi Hruaina Êng TV channel-ah a hmuna an intihsiak lai en theih tûra ruahman a ni.

DRAFT NEW EDUCATION POLICY 2019 SAWI HONA

India sawrkâr laipuiin zirna lama thil kalpui a tum dân duan chhin, Draft New Education Policy 2019 (DNEP 2019) chungchâng sawi hona, July 23, 2019-a Monfort Brother's Residence, St. Paul's School, Tlângnuam-a buatsaihah Mizorama kohhran hrang hrang aiawhte sâwm an nih angin Mizoram Presbyterian Kohhran aiawhin Pu P.C. Vânlalruaia, Supervisor of Schools (PES) leh Pu T. Lalchhuangliana, Supervisor of Schools (SMB) te an kal. Hetah hian Mizoram Kohhran hrang hrang aiawhte bâkah Central YMA aiawh te, MZP aiawh te leh mi thiam sâwm bîk eng emaw zât an kal khâwm a. New Education Policy duan mêk chu Kristian-te tân leh India hmârchhaka mi chêng, a bîk takin tribal-te tâna tha lo tûr awma an hriat thu te, Hindu sakhaw vulh len tumna nia ngaih theih awma an hriat thu te an sawi. Hetiang hi thil awm dân a nih avâng hian DNEP 2019 duh lohna entîr nân kawng hrang hranga hma lâk an rêl.

ASSAM MISSION FIELD-IN INRÂWN KHÂWM A BUATSIAH

July 24 & 25, 2019 khân Assam Mission Field-a thawktute chuan field headquarters, Guwahati-ah inrâwn khâwmna (Mission consultation) a buatsaih a, thawktu an kal tha hle. Hnam nun leh Chanchin Tha inlaichinna tih leh rawngbâwl hna thawh dân tûr (Mission strategy) zir ho a ni.

Assam Mission Field-a rawngbâwlna kalpui dân tûr siam tawh chu en nawn a ni a, hlawhtlinna lai leh a hlawchhamna lai te zir hovin thawh zêl dân tûrte sawi ho a ni. Zân lamah Pathian biak inkhâwm buatsaih a ni a, Pathian thua infuih tharna lam thu ngaihthlâk thîn a ni. Hun remchângah inhriat pawh tawn nân sports hmanga intihsiakna hlimawm tak hman a ni baw. Thawktute bâkah an kawppui leh fate pualin programme hran siam a ni a, missionary kawppuite mawhpurhna leh an fate awm dân tûrte hmanga inpâwl ho a ni baw.

PCI CAPACITY BUILDING A HMAN THEIH TA


Presbyterian Church of India-in project lian a kalpui, 'Centre for Capacity Building and Empowerment,' Siejung, Mawkasiang, Shillong-a mi chu room thenkhat hman theiha peih a ni ta. Hmang duh tân riaha tûr khum 10 leh politics lam hawi ni lova thil tih khâwmna eng chi pawha hman theih tûr mi 150 leng hall tha tak a awm thu Rev. G.S. Lyttan, Sr. Administrative Secretary-in Synod-te a hriattîr.

HRIATTÎRNA

Synod Revival Committee chuan kum 2020 - 2021 hun chhông atân Revival Speaker ţang duh tûrte tan dîlna hun a hawng leh ta a. Revival Speaker ţang duhte chuan October, 2019 chhôngin dîl theih a ni.

Interview hun : November ni 7 & 8, 2019
Interview-na hmun : Utility Room, Synod Office

Dîlna form hi September, 2019 aţangin Synod Revival Office-ah office hun chhôngin lam theih a ni ang. Dîl thar tûr leh Speaker ţang lai dîl nawn duh tûrte chuan ngaihven tûr a ni e.


(REV. K. ROLUNGMUANA)
Director,
Revival